

Chara lectura e char lectur

Oz preschenta in nus 5 ulteriuras episodas da l'istorgia dal Grischun or dal cudesch Istorgia grischina dals Grischs e dals Grischuns da Jürg Parli (disegn) e Nicolo Vital (text) en ina versiun en rumantsch grischun.



Ilis Romans suttamettan ilis Rets

L'onn 15 a. Cr. han Drusus e Tiberius, figliasters da l'imperatur Augustus, occupà e suttamess prest tut las regiuns alpinas. Da lur acziuns e campagnas na avain nus displaschavlamain nagin raquint pli grond. Tschert è be ch'els han suttamess numerus pievels cun differentas culturas e linguas. Londeror daventa alura la provinza Rezia. Ilis nums dals pievels victorisads enconuschain nus be da las inscripziuns sin il monument triumfal (Trophaeum Alpinum) a la Turbie sur Monte Carlo. L'itinerari da Drusus e Tiberius sa lascha reconstruir be per part e cun prudientscha. Tiberius po esser passà il Malògia ed il Güglia per ir vers il Lai da Constanza. Drusus è probablmain partì da Trient per passar il Pass dal Reschen e sa drizzar vers Innsbruck. Ilis Romans èn alura restads tar nus durant 400 onns. Pir l'onn 401 han els abandunà lur posiziuns al nord da las Alps per dal bun. Da l'administraziun dals Romans na savain nus tant sco nagut. Ilis ultims stgavs laschan però supponer ina colonisaziun blier pli intensiva che quai ch'ins crajeva fin ussa.

Pleds:

il figliaster	Stiefsohn
la campagna	Feldzug
l'inscripziun	Inscript
l'itinerari	Reiseroute
la prudientscha	Vorsicht
il stgav	ausgehobener Graben
occupar	besetzen
suttametter	unterwerfen
enconuscher	kennen
abandunar	verlassen

La cristianisaziun cumenza fitg baud

La cristianisaziun dal Grischun sto avair cumenzà gia avant la fin da l'imperi roman. Gia l'onn 451 vegn menziunà per l'emprima giada in uestg da Cuir. L'uestg Asinio era numnadamain preschent a la sinoda da Milaun. Sper l'influenza da l'Italia paran era d'esser vegnids missiunaris da pajais dal nord. Fitg grond' impurtanza per la cristianisaziun, mo era per il svilup cultural ed economic da noss pajais han gi las claustras. La pli veglia claustra dal Grischun sto esser quella da Cazis. Ella è vegnida fundada gia enturn l'onn 690. Betg pauc pli giuvna è la claustra da Mustér. Cun ses sontgs Sigisbert e Placidus deriva ella ca. da l'onn 700. Pli tard, enturn il 780, vegn fundada la claustra da Müstair. La claustra da Mistail, da la quala è restada be pli la magnifica baselgia, è vegnida fundada enturn il 800. Betg d'emblidar la claustra da Scuol. Quella è vegnida fundada dals signurs da Tarasp enturn l'onn 1100. Ella vegn bandunada e transferida gia dal 1150 a Marienberg en il Tirol dal Sid.



Pleds:

l'uestg	Bischof
la sinoda	Kirchenversammlung
l'impurtanza	Bedeutung
l'influenza	Einfluss
il sontg	Heiliger
la baselgia	Kirche
il svilup	Entwicklung
fundar	gründen
transferir	überschreiben
preschent	anwesend

Las trais lias s'uneschan plaunet

Suenter avair già gia dal 1406 prims contacts, sa collian dal 1440 la Lia Grischa e la Lia da la Chadé. L'onn 1450 vegn tiers in'allianza tranter la Lia da la Chadé e la Lia da las Diesch Dretgiras. Cun quai vaina per la prima giada in liom tranter las fu-



turas Trais Lias. In'uniun directa daventa realitad dal 1471 cur che la Lia da las Diesch Dretgiras sa lia era cun la Lia Grischa. Nua che quest'uniun è vegnida fatga na savainsa betg cun segirezza. La tradiziun di che qua saja stà a Vazerol, ma in document ans manca. Pussaivel fiss quai però. Vazerol è in lieu central e nus savain che gia dapi l'onn 1461 vegnivan ensemèn là ils mess da las lias. Sin in'uniun formala da tuttas trais lias èsi però da spetgar fin dal 1524. Da menziunar fiss anc la Lia Naira dal 1450/51, in lia obscura en connex cun la guerra da quels da Schons e Valrain cun lur patruns da Werdenberg-Sargans.

Pleds:

Lia da la Chadé	Gotteshausbund
il liom	Bündnis
la segirezza	Sicherheit
il mess	Bote, Gesandter
la prudientscha	Vorsicht
il connex	Zusammenhang
sa colliar	sich anschliessen
mancar	fehlen
menziunar	erwähnen
obscur	zweifelhaft


La battaglia da Chalavaina

Turnainsa anc ina giada a Chalavaina. Vers la fin mars dal 1499 eran penetrads var 8000 Tirolais da Nauders si per l'Engiadina ed eran rivats fin Punt Ota. Cun turnar han els incendià pliras vischnancas e manà 33 personalitads a Meraun. L'entschatta matg è stada ina nova invasiun tirolaisa. Ussa cloman ils Grischuns ensemèn lur guerriers. Quels sa radunan ils 16 e 17 matg a Zuoz per esser ils 20 e 21 a Müstair. L'inimi aveva entant construi a Chalavaina ina ferma serra fortifigada. La notg dals 21 als 22 passa ina colonna Grischuns sur Schlingia per attagar la serra da davos. Il grond mantun da l'armada stueva vegnir attagà frontalmain. La resistenza dals Austriacs è però stada ferma. Be cun

stenta e fadia esi reussi als Grischuns da passar la serra e cun fortuna da gudagnar la battaglia. Benedetg Fontana, in dals chapitanis dals Grischuns, è crudà sco in dals prims. Segund vegl'isanza èn ils victurs restads anc trais dis sin il champ da battaglia. Els èn turnads a chasa senza laschar enavos ina garnischun – ch'els hajan adina fatg uschia, vegnan els a dir pli tard...

Pleds:

il guerrier	Soldat/Kämpfer
l'inimi	Feind
la serra	Wehr
il mantun	Menge, Haufen
la battaglia	Schlacht
l'isanza	Gewohnheit, Brauch
la garnischun	militärische Truppen
penetrar	eindringen
incendiar	in Brand setzen
sa radunar	sich versammeln



Cultura grischuna e revoluziun franzosa

En il 18avel tschientaner cumparan en il Grischun durant curt temp pliras scolas ed instituts cun gronda reputaziun. Nus patragain als seminars da Haldenstein e Reichenau, a l'institut Rosius a Porta da Ftan ed al renumnà Philantropin da Marschlins. Là èn sco ch'i para per la prima giada vegnids cultivads tartuffels en Grischun. Quest tschientaner che aveva cumenzà uschè bain, maina però sco consequenza da la revoluziun franzosa era la fin dal Vegl Grischun. L'enviern dal 1797/98 avevan armadas franzosas occupà la Svizra e proclamà dal 1798 la Republica Elvetica. Ilis Grischuns refusan da far part e prendan si contact cun l'Austria che trametta dalunga 4000 schuldads. Ilis Franzos na studegian betg ditg ed attatgan dal 1799 las Lias da tuttas varts. Ilis generals Loison, Demont (in Grischun) Lecourbe ed Oudinot suttamettan en pauc temp tut il Grischun. Ilis Austriacs ston sa retrair ed il Grischun vegn sforzà da renconuscher la Republica Elvetica e daventa il Chantun Rezia.

6/2001